



partii naleraq

Nuuk 2.okt. 2019

UKA 2019/223

Jens Napätök, Partii Naleraq

UPA2019-imut malittarisassat atuutsinnerini ersarinnerusumik aammalu aalajangersimanerunissamik Namminersorlutik Oqartussat pigisaanni taamatullu suliffeqarfinni pigisat ilaanniittuni siulersuisunik ilaasortaatitaqartuni akissarsitinneqartarnerat pillugu politikikkut malittarisassanik aaqqissuussinermi Naalackersuisut peqquneqarnissaannik Inatsisartut aalajangiiffigisassaattut siunnersuut.

(Partii Naleqqamit Inatsisartunut ilaasortaatitai)

Namminersorlutik Oqartussat suliffeqarfiutaanni pigisaanni taamatullu suliffeqarfinni pigisat ilaanniittuni siulersuisunik ilaasortaatitaqartuni akissartinneqartarnerat pillugu politikikkut malittarisassanik aaqqissuussinermi Naalackersuisut peqquneqarnissaanik aaliangiiffigisassaattut siunnersuut Partii Naleqqamit imatut oqaaseqarfigisavarput.

Inatsisartut ataatsimiinneranni una suliat ilaattut angumerineqanngitsut ilagaat, taamaammallu kinguartittariaqarsimasatta ilagalugu, tamannalu toqqammavigalugu imarisaa allanngortinnagu saqqummiinissamut piffissarititaasoq pillugu Inatsisartut ukiakkut 2019-imi ataatsimiinnermut suliaqarnissaata oqaasertaa allannguutissatut siunnersuuteqarfiginissaa kaammattuutigerusupparput Upernaamut pisussanngorlugu allanngortinneqassasoq, taamaasilluni qulequtaq kinguartitsisimaneq naapertorlugu naapertuuttumik qulequtaqarluni taasissutigineqarsinnaanngorluni ataatsimiititaliami suliarneqareerluni taasissutigineqartussanngorlugu ingerlaqqinnerani.

Taamaammat allannguutissatut suut aaqqinneqassasoq UKA2019 peerlugu taarserneqassasoq kissaatigaarput UPS2020-nngorlugu aaqqinneqassasoq, taamaasilluni aamma kalaallisoortani qallunaatoortanilu naqinnerliugaq ukiamut pisussamik allaqqasussaasoq ilanngullugu aaqqinneqartussanngorlugu aaqqiifigalugu.

Uanimi pingaerneruvoq imarisaa siunnersuutip qanoq qaqugulu malittarisassat atuutsinneri ersarinnerusumik aammalu aliangersimanerumik Namminersorlutik Oqartussat pigisaanni suliffeqarfiuttaanni siulersuisunik ilaasortaatitaqartuni akissarsitinneqartarnerat pillugu politikikkut malittarisassanik aaqqissuussisoqarnissaa Naalackersuisut peqquneqarnissaanik Inatsisartut aaliangiiffigisassanik siunnersuut imaqarpat.

Ukiuni kingullerni qulikkaani piffissaq kingulleq tikillugu aammalu pilersaarutaasut naapertorlugit Kalaallit nunatsinni qallunaat nunaanni ingerlatseriaatsit atorlugit selskabiliortitsernerujussuit atornerarput.



partii naleraq

Nuuk 2.okt. 2019

UKA 2019/223

Jens Napätök, Partii Naleraq

Selskabit ingerlanneqarnerini aningaasartuutit annertoorujussuupput inuaqatigiinni 56.000 sinnilaaginnarlugu inoqarfiusumut.

Siulersuisut akissaasersortarnerat Naalakkersuisut aaliangersortagaat qiviraanni ukiuni kingullerni annertoorjussuannqortalersimapput aallaat saniatigooralugu taamatut akisussaaffimmik ingerlataqarfiusumi annertoorujussuannqorsimallutik.

Assersuutigisartagarput assersuutigeqqissavarput tassalu selskab-it nutaajunerusut ilaat allaat qaammammut 62.500 ajunngitsorsiarisarlugit inissisimalersimapput ukiumut 750.000 akissarsorfigisalerlugit allaat, taamaasilluni Naalagaaffiup iluani allaat qaffasinnerpaajullutik rekordtilliisalerlutik.

Atuisut akiliisussat tassaapput nunap inui, taamatut annertutigisunik aningaasartuuteqartitsernerit akilersortussaallugit.

Nunatsinni inuuniarneq akitsoraluttuinnarpoq taamaammallu aamma ingasattajaartumik akilersuinerujussuit pakkersimaartariaqarlunnalersimapput maanga nunatsinnut naleqquttumik naapertuuttumillu akilersorneqartariaqarput.

Taamatullu aamma tamatuma saniatigut nunaqavissut nunap inui ilinniarlualersimallutik inissisimalersimasut atorluarnerusariaqarpagut.

Nalinginnaavallaqaarmi avataaniit nunap inui kiffartuuttussanngorlugit inissiisarneq, tassani nunap inui aningaasannanniarfiginissaat, taamatullu selskab-ip aningaasarsiornerunissaa isiginiarneqarpallaaleqaaq, aningaasaq kisimi qitiutinneqarsinnaanngilaq innuttaasunut suleqataanitsinni, taamaammat ingasattajaartumik ajunngitsorsiaqartitsisarnerit killilersimaartilerlugit malittarisassiortariaqarpugut nunamut maanga naapertuuttumik aammalu nunap inuisa akilersinnaasaanik naapertuuttumik.

Nunap inui aningaasananniarfigineqariartuinnarneri ingasappallaalersorinarpoq, ersarinnersumik kikkunnullu tamanut takuneqarsinnaangorlugit ammanerusumik periuseqartariaqarpugut.

Nunap inui aningaasaannaq pillugu ingerlanneqarnerat qitiuvallaaleqaaq, nunap inui kisitsisaannaanngillat taakku atugaat pillugu ilisimasaqarnerusut nunaqavissut atorlugit ingerlatsilertariaqarpugut malittarisassaqaqartariaqalerpugut taamatut ingerlatsilertussat nunarput isorartooq ilisimasaqarfiginerusariaqaraat.



partii naleraq

Nuuk 2.okt. 2019

UKA 2019/223

Jens Napätök, Partii Naleraq

Amerlavallaaleqaat ingerlatsisut nunatta kujataanut , nunatta kangianut avannaarsuanut nunatta avannaanut ataatsimut oqaatigalugu nunatta iluani pissutsinut ilisimasaqarpallaanngitsut aningaasaq kisimi qitiutillugu ingerlatsisut.

Selskabiutigut amerlisarpallaaleqaagut, inuiaqatigiit pigisaat siulersuisunut nunatsinni tamakkiisumik ilisimasaat ilaatigut killeqartut aningaasaq kisimi qitiutillugu ingerlatsisut.

Naalackersuisut selskabiutitsinnut aningaasanik aalleqattaarnerat aamma maluginiagasssaavoq, sinneqartoorujussuarternerat nunap inuisa akilersorpaat.

Tamakku tamaasa inuuniapiloornerannut nunap inuisa ulluinnarni inuuneranut sunniuteqartorujussuusarput.

Nioqqutissat akisoorujussuupput nunatsinni ingerlatseriaatsit eqaallisartuartaqarput aammalu pitsaasumik akikinnerusunillu periarifissaqartariaqarput.

Angallanneq nunap inuinit pingaartuqarluinnartuupput taamaammat timersoriartuuppata ilaqutariit feriantuuppata akikinnerusumik nunatsinni angalasinnaanerat aqutissiuullugu periarfissarsionerusariaqarpoq, nunatta inuinit iluaqutaasumik takornarianuinnarmi iluaqutaasussamik sulisoqarsinnaanngilaq taakku akikinnerusunik angalasalernissaat kisimi suliuuteqarfigiuarlugu inissimajuarsinnaanngilagut, nunap inui akikinnerusumik aamma akikinnerusumik angalasalersinnaanerata aqutissiuuttariaqarpoq.

Selskab-it ingerlannerani sinaakktissat taamaammat aatsaat pingaaruteqartigaat politikikkut aqqissuuttariaqarput. Inuiaqatigiit pigaat politikikkut sinaakkusersortariaqarpagut.

Taamatut Parti Naleqqamiit oqaaseqarluta ataatsimiititaliami susasaqartumi aappassneertinnagu sukumiisumik suliarneqarnissaa innersuussutigaaarput.